



# ISLAMSKA ZAJEDNICA BOŠNJAKA U ŠVICARSKOJ

Oberentfelden, 30. Mart 2021. godina  
17. Ša'bana 1442.h.

## Ramazan 2021. godine u vanrednoj situaciji pandemije Corona virusa

Esselamu alejkum!

Poštovani imami i predsjednici Džematskih odbora,  
Na osnovu **odluka Savjeta glavnog imama i Izvršnog odbora Islamske zajednice Bošnjaka u Švicarskoj**, a koje su usaglašene sa odlukama svih Islamskih zajednica članica FIDS-a i mjerama **Saveznog ministarstva zdravlja države Švicarske (BAG)**, donosimo

### U P U T S T V O

#### O organizaciji vjerskih aktivnosti u vanrednim okolnostima za vrijeme ramazana 2021. godine, odnosno 1442. hidžretske godine.

**Maksimalan broj osoba** koji mogu prisustvovati klanjanju bilo kojeg **namaza u džamijama (centrima) je 50**. Obavezno je poštivanje zaštitnih mjera: nošenje zaštitne maske, sedžade za namaz, držanje distance (1,5 m), dezinfekcija ruku i registracija. Zadužuje se predsjednik Džematskog odbora da se stara o urednom vođenju registra prisutnih džematlija na svim namazima.

#### Teravih-namaz

- Po noći samo jedan teravih-namaz od osam (8) rekjata.
- Odmah nakon jacije-namaza klanjati teravih-namaz.
- Vrijeme klanjanja jacije-namaza, teravih-namaz i vitr-namaza ograničiti na maksimum 30 minuta.

#### Džuma-namaz i dnevni namazi

- U slučaju obavljanja dvije i više džuma-namaza, voditi računa o vremenu dolaska i odlaska grupa iz Centra kako ne bi došlo do fizičkog kontakta.
- Vrijeme klanjanja ovih namaza ograničiti na maksimum 30 minuta.

#### Bajram-namaz

- Toga jutro, 13. Maja 2021. godine izostaviti klanjanje sabah-namaza u džematu.
- Vrijeme klanjanja bajram-namaza sa hutbom ograničiti na maksimum 30 minuta.

**Na drugim, posebno vjerskim aktivnostima u džematima (centrima) maksimalno može biti prisutno 10 osoba**, uz poštivanje svih gore navedenih mjera.

#### Mukabela

- Apelujemo na imame da organiziraju učenje mukabele putem online platformi.

## Iftar

- **Zbog zabrane rada restorana**, obavezno otkazati iftare u restoranima (kafeterijama) centra.
- Sugerisati džematlijama da prave **familijarne iftare** uz strogo poštivanje mjera zaštite i broja prisutnih osoba, **maksimum 10**.

## Zekat i sadekatu-l-fitr

- Preporučujemo da se uspostavi dežurstvo i vrijeme kada će džematlije moći u svojim džematima (prostorijama) izvršiti ovaj ibadet.

**Sve druge aktivnosti, poput prigodnih programa za vrijeme odabranih noći itd. obavezno otkazati.**

Za **potpuno pridržavanje navedenih upustava** odgovorni su **Imam i predsjednik Džematskog odbora**, eventualno nepridržavanje navedenih upustava može biti uzrok **zatvaranja džamije (centra) od strane nadležnih**.

**Islamska zajednica Bošnjaka u Švicarskoj** će ovog, kao i prošlog ramazana organizirati, putem svoje stranice ([www.izbch.ch](http://www.izbch.ch)), sljedeće:

- **Ramazansko takmičenje i ramazansko-bajramski kviz** za polaznike mektebske pouke. Pozivamo imame da o ovome informišu svoje polaznike mektebske pouke.
- **Video predavanja svojih imama** u toku Ramazana u trajanju od mimum 5 minuta.

a u suradnji sa Mrežom mladih organizirati će podjelu **bajramskih paketića** penzionisanim (AHV\_AVS) džematlijama. Pozivamo predsjednike Džematskih odbora da dostave **spisak svojih penzionisanih džematlija, kada to od njih bude zatraženo**.

Odlukom (fetvom) Vijeća muftija **Nisab za mjesec Ramazan 1442. h. / 2021. godine iznosi 4'800,00 CHF**. Molimo vas da što prije **naručite blokove** zekata i sadekatu-l-fitra, kod blagajnika IZBCH.

**Prema takvimu Rijasetu IZBiH prvi dan ramazana 1442. h. je utorak 13. April 2021. godine.**

Ramazan je mjesec milosti, oprosta i oslobađanja od džehennemske vatre.

Ramazan nam svake godine daje novu priliku za čišćenje naših srca.

Ramazan nam svake godine donosi blagost koja nas podstiče na lijepe misli.

Ramazan nas svake godine uči saburu i međusobnom razumijevanju.

Stoga, koristimo priliku da čestitamo nastupajuće ramazanske mubarek dane vama, vašim porodicama i vašim džematlijama uz dovu Allahu, Uzvišenom, da nam ramazan protekne u zdravlju, bereketu, da nam se srca zbliže u vjeri, da nam Allah dž.š. ukabuli ibadet posta i usliša naše dove. Molimo Allaha Uzvišenog da nam ibadete ovog mubarek ramazana, u okrilju svoje familije, ukabuli, da ojača naše džemate, našu Zajednicu, da nam omogući povratak u naše džamije i da nas učini od onih kojima je stalo do toga da Allahova riječ bude gornja.

## **RAMAZAN ŠERIF MUBAREK OLSUN!**

Mahsus selam

Glavni imam IZBCH  
**Jasmin ef. Demić**



Predsjednik IZBCH  
**Džemal ef. Fišek**

